




Tshoswane le tlou

Sicelo Hlamandana

Simangaliso Sibiya & Fezile Twala





Mo mosong mongwe, diphologolo di ne tsa kopana go tlhopha kgosi ya tsona.


Diphologolo tse di farologaneng le ditshenekegi tsa tla kopanong.

Tsotlhe di ne di maketse, ditlou, diphologolo tse dikgolo, di ne di sa tsenela kopano.



Kopano ya tswelela kwa ntle ga ditlou.


“Re tla tshwara ditlhopho le fa ditlou di se teng.
Re tshwanetse go itse kgosi ya rona gompieno,”
ga bua morubisi.



Diphologolo tsa tlhopha tshoswane jaaka kgosi e ntšhwa.

Tshoswane ya dumela go nna moeteledipele le fa e ne e tshaba.


“Ke maikarabelo a magolo le go tsenyeletsa tiro e ntsi,” ya nagana.



Dikgang tsa gore tshoswane e tlhophilwe jaaka kgosi tsa phasalala ka bonako.

Tsa fitlha mo ditsebeng tsa kgosana ya ditlou.


O ne a tenegile.



Kgosana ya ditlou ya ya kwa sekgweng go ya go batla dijo.

E ne e na le maatla e sa tlotle ope, segolo jang diphologolo tse dinnye jaaka ditshoswane.


E ne e sa kgathale gore e tseneletse kgaolo ya ditshoswane.



Kgosana e e maatla ya gataka tao fa e ntse e tsamaya. Losaisai lwa ditshoswane lwa tswa lo siana go tswela kwa ntle!

Kgosi e ntšhwa e e tlhophilweng tshoswane ya gagabela go tsenelela kwa gare ga mmele wa kgosana.


Tshoswane ya re, "O tshwanetse go tlotla mongwe le mongwe." Ke fa a loma kgosana ga ntsintsi.



Tlou ya lela le go kopa maitshwarelo.

Ya boela gae e swabile le dijo e sa di bona.

Ditlou tse dingwe ke fa di makaletse
ditsholofetso tse di dirilweng ke kgosana ya
tsona kwa go kgosi tshoswane.



Ditlou di ne di itumeletse gore kgosana e boetse
kwa go tsona.

Di ne di sa kgathale gore tshoswane ke kgosi.

Ditshoswane tsa busa le fa di le tse di nnye.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Tshoswane le tlou

Author/s: Sicelo Hlamandana

Translator/s: Sylvia Makapan

Illustrator/s: Simangalisso Sibiya & Fezile Twala

Assurer/s: Dineo Moatshe

Language: Setswana



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

